



服學文庫
117
951
4





Red square seal with illegible characters.

117
294
4

小學卷之六



陳選句讀

善行第六

此篇紀漢以來賢者所行之善行以實立敘明倫敬身也凡八十一章

呂榮公名希哲字原明申國正獻公之長子正獻公

居家簡重寡默不以事物經心而申國夫人性嚴有

法度雖甚愛公然教公事事循蹈規矩長上聲下同

公著字晦叔相宋封申國公簡簡要重重厚寡省事
默慎言也事物謂外事外物經猶繁也蹈猶行也規
矩喻禮度事事依循禮
度而行下文所言是也
甫十歲祁寒暑雨侍立終日

不命之坐不敢坐也日必冠帶以見長者平居雖甚

熱在父母長者之側不得去巾襪縛袴衣服唯謹去

小學句讀卷之六

有文閣藏

聲縛音篆○甫始祔大縛繞也縛袴所以纏繞袴管者亦謂之偏首之中足之襪脛之縛袴身之衣服皆不得去謹則行步出入無得入茶肆酒肆市井里巷

之語鄭衛之音未嘗一經於耳不正之書非禮之色

未嘗一接於目鄭衛二國各其音淫熊氏曰足不妄行耳不妄聽目不妄視也正獻

公通判潁州歐陽公適知州事焦先生千之伯強客

文忠公所嚴教方正正獻公招延之使教諸子諸生

小有過差先生端坐召與相對終日竟夕不與之語

諸生恐懼畏伏先生方略降辭色潁州郡名歐陽公名修字永叔諡文

忠焦先生名千之字伯強時寓歐陽公家諸子諸生皆謂榮公及其弟也端正也降猶寄也解也時

公方十餘歲內則正獻公與申國夫人教訓如此之

嚴外則焦先生化導如此之篤故公德器成就大異

衆人公嘗言人生內無賢父兄外無嚴師友而能有

成者少矣行成曰德才成曰器○呂榮公張夫人待制諱晷之

之幼女也最鍾愛然居常至微細事教之必有法度

如飲食之類飯羹許更益魚肉不更進也時張公已

爲待制河北都轉運使矣晷音溫使去聲○夫人榮公之妻待制官各諱卽名

也生日名死日諱鍾聚更再益增也都轉運使亦官名張公已貴顯矣而示女子以儉約如此非特教子

者所當法亦守官者所當法也及夫人嫁呂氏夫人之母申國夫人

姊也一日來視女見舍後有鍋釜之類大不樂謂申

國夫人曰豈可使小兒輩私作飲食壞家法耶其嚴

如此銅音戈 釜音甫 樂音洛○張待制呂正獻公皆魯參政宗道之婿○唐陽城為

國子司業引諸生告之曰凡學者所以學為忠與孝

也諸生有久不省親者乎明日謁城還養者二十輩

有三年不歸侍者斥之養去聲 唐李氏王天下之 號城字元宗定州人謁告也

斥逐也○安定先生胡瑗字翼之患隋唐以來仕進尚

文辭而遺經業苟趨祿利及為蘇湖二州教授嚴條

約以身先之雖大暑必公服終日以見諸生嚴師第

子之禮解經至有要義嚮嚮為諸生言其所以治已

而後治乎人者學徒千數日月刮剝為文章皆傳經

義必以理勝信其師說敦尚行實後為大學四方歸

之庠舍不能容瑗音願先去聲 嚮音磨傳音附行去聲 條教

條約約束以身先之謂躬行以率之要義即治已治

人之道限限切到之意治已而後治人明體適用之

學也刮剝刮垢剔尤也兼文行而言傳依也必以理

勝不尚辭也信尊信也安定後為國子直講四方學

者歸之故庠舍不能容其在湖學置經義齋治事齋經義齋者

擇疏通有器局者居之治事齋者人各治一事又兼

一事如治民治兵水利筭數之類其在大學亦然疏

謂材識明達有器局謂器局正大其弟子散在四方隨其人賢愚皆

循循雅飭其言談舉止遇之不問可知為先生弟子

其學者相語稱先生不問可知為胡公也飭音勅 循循雅正

謹飭之貌言動皆雅飭故遇之則知其為安定○明

弟子學者皆尊師故稱先生則知其為安定○明

道先生言於朝曰治天下以正風俗得賢才為本音朝

潮○風者上所化俗者下所習賢有德者本有能者二者固治天下之本然得賢才斯可以正風俗則得賢才又正風俗之本也

宜先禮命近侍賢儒及百執事悉心推訪有德業充備足為師表者其次有篤志好學材良

行修者延聘敦遣萃於京師俾朝夕相與講明正學

好行並去聲下同○悉盡也推訪推求詢訪也延聘謂迎之以禮敦遣謂送之以禮萃聚京大帥衆也天子之都

其道必本於人倫明乎物理其教自小學灑

掃應對以往脩其孝悌忠信周旋禮樂其所以誘掖

激勵漸摩成就之道皆有節序其要在於擇善修身

至於化成天下自鄉人而可至於聖人之道灑掃並去聲漸

音尖○誘之掖之使有進激之勵之使無退漸之摩之使不苦其難皆所以成就之正學不出乎人倫物理而已灑掃應對以至周旋禮樂小學之教也誘掖激勵漸摩成就之成其始也擇善修身以至化成天下大學之教也自鄉人而至於聖人之道成其終也其學行皆中於是者為成

德取材識明達可進於善者使日受其業擇其學明

德尊者為大學之師次以分教天下之學行中並去聲○出於

是謂合於小學大學之教者以成德為師取材識之明達者受其教及學之既成上者使教國學其次以

分教州縣之學也此擇士入學縣升之州州賓興於

大學大學聚而教之歲論其賢者能者於朝朝音潮○縣謂

縣學州謂州學王制曰論定然後官之凡選士之法皆以性行端潔居

家孝悌有廉耻禮讓通明學業曉達治道者選亦擇也此兩

四一有文閣藏

節言釋士之法朱子曰明道論學制最爲有本讀之未嘗不慨然歎嘆也

○伊川先生看詳學制大槩以爲學校禮義相先之地而月使之

殊非教養之道請改試爲課有所未至則學官召而

教之更不考定高下伊川嘗充崇政殿說書同孫覺等看詳國子監條制相先猶相

尚月使之爭謂日有試以較其高下是使之爭競也

制尊賢堂以延天下道德之士鑄解額以去利誘省繁文以專委任勵行檢以

厚風教及置待賓吏師齋立觀光法如是者亦數千

條鑄子全切解居隘以去上聲行去聲○制置也待也鑄謂刻定之解猶貢也額猶數也宋元豐中

以利祿誘士國學解額增至五百人來者奔湊程子蓋欲量留百人餘四百分於州郡使士人各安鄉土

也省戚也繁文吏牘之類師儒之官不責以小文所以專委任也行檢謂行誼名核待賓齋所以待行能

可賞敬者吏師齋則通於治道可爲吏之師法者居之觀光謂觀見國之盛德光輝立觀光法蓋以處來

學之士也○藍田呂氏鄉約曰凡同約者德業相勸藍田縣名

呂氏兄弟四人大中大夫陝大欽大臨鄉約與鄉人約誓也勸勉也本註德謂見善必行聞過必改能修其身能治其家能事父兄能教子弟能御僮僕能事長

上能睦親故能擇交遊能守廉介能廣施惠能受寄託能救患難能導人爲善能規人過失能爲人謀事

能爲衆集事能解閭爭能決是非能興利除害能居官舉職業謂居家則事父兄教子弟待妻妾在外則

事長上接朋友教後生御僮僕至於讀書治田營家濟物如禮樂射御書數之類皆

可爲之非此之類皆爲無益過失相規規猶戒也本註犯義

之過六一日酬博關訟二日行止踰違三日行不恭遜四日言不忠信五日造言誣毀六日營私太甚不

修之過五一日交非其人二日遊戲怠惰三日禮俗相

交本註謂婚姻喪葬祭祀之禮有往還書問慶弔之節患難相恤難去聲○本

二曰盜賊三曰疾病四曰死喪
五曰孤寡六曰誣枉七曰貧乏
有善則書于籍有過

若違約者亦書之三犯而行罰不悛者絕之

悛音銓
也悛改也絕之
使不與約也

○明道先生教人自致知至於知止

誠意至於平天下灑掃應對至於窮理盡性循循有

序格物致知所以求知所以止誠意正心修身齊家治國平天下所以求得所以止灑掃應對小學之教也窮理即致知至於知止之事盡性即誠意至於平天下之事大學之教也循循有次序貌謂先習之於小學而後進之於大學而大

學之教又自有其序矣

病世之學者捨近而趨遠

處下而闕高所以輕自大而卒無得也

闕音窺○病患也趨奔也
闕猶闕也卒終也此學者之大病程子教人循循有序蓋病乎此矣吳氏曰行遠自近升高自下學之序也自大小學之序言之灑掃應對近者下者也窮理盡性高者遠者也以大學之序言之格物致知誠意

正心修身非近而下者乎齊家治國平天下非高而遠者乎

右實立教凡八章

江革少失父獨與母居遭天下亂盜賊竝起革負母

逃難備經險阻常採拾以為養數遇賊或劫欲將去

革輒涕泣求哀言有老妪辭氣愿效有足感動人者

賊以是不忍犯之或乃指避兵之方遂得俱全於難

少難養竝去聲數音朔愿音願○革字次翁漢臨淄人負謂以背負之備經險阻謂徧歷道路之艱危採拾謂採取草木之可食者數頻也劫欲將去謂欲轉脅革以去也愿效誠懇也俱全謂母子皆保全也

客下邳貧窮裸跣行傭以供母便身之物莫不畢給

裸魯果切跣蘇典切傭音庸○轉客猶飄泊下邳郡名裸露身跣露足行傭為傭工也便身之物謂母身

名裸露身跣露足行傭為傭工也便身之物謂母身

所便安之物畢猶皆也給猶足也革困於
寒餒而養母乃如此可謂能竭其力矣

薛包好

學篤行父娶後妻而憎包分出之包日夜號泣不能

去至被毆杖不得已廬於舍外且人而灑掃父怒又

逐之乃廬於里門晨昏不廢積歲餘父母慚而還之

後服喪過哀

好行並去聲號平聲毆音嘔○包字子孟嘗漢汝南人不能猶不忍里門巷門也

不廢謂不廢定省之禮既而弟子求分財異居包不能止乃中

分其財奴婢引其老者曰與我共事久若不能使也

田廬取其荒頓者曰吾少時所理意所戀也器物取

其朽敗者曰我素所服食身口所安也弟子數破其

產輒復賑給

少去聲戀龍眷切數音朔復去聲○既謂服喪已也○子及及其子也中分均

分也共事同事也若汝也指弟子荒謂田畝荒蕪頓謂廬舍傾頓服用也○王祥性孝蚤

喪親繼母朱氏小慈數譖之由是失愛於父每使掃

除牛下祥愈恭謹父母有疾衣不解帶湯藥必親嘗

母嘗欲生魚時天寒冰凍祥解衣將剖冰求之冰忽

自解雙鯉躍出持之而歸母又思黃雀炙復有雀數

十飛入其幕復以供母鄉里驚嘆以為孝感所致有

丹柰結實母命守之每風雨祥輒抱樹而泣其篤孝

純至如此

數音朔譖則禁切剖音厚切炙音拓幕音莫○祥字休徵晉郡瑯琊人親母也譖毀也

失愛於父不得父之愛也牛下牛糞剖破也炙炙肉驚嘆驚異嗟嘆也孝感謂魚雀之至皆孝誠之感動也丹紅色柰果名

○王裒字偉元父儀為魏安東將軍司馬

昭司馬東關之敗昭問於衆曰近日之事誰任其咎

儀對曰責在元帥昭怒曰司馬欲委罪於孤耶遂引

出斬之哀蒲侯切○儀哀父名魏曹氏篡國之號上

軍司馬昭之司馬也東關地名敗謂

戰敗咎罪也元帥稱昭孤昭自稱也

哀痛父非命於是隱居教授三徵七辟皆不就廬于墓側旦夕常至

墓所拜跪攀棺悲號涕淚著樹樹為之枯讀詩至哀

哀父母生我劬勞未嘗不三復流涕門人受業者竝

廢蓼莪之篇辟音璧號平聲著直畧切為去聲復音

貧躬耕計口而田度身而蠶或有密助之者哀皆不

聽及司馬氏篡魏哀終身未嘗西向而坐以示不臣

于晉度音鐸篡初患切○密猶私也聽猶從也逆而

不求豐裕而坐不面關皆痛父非命不悉故爾○晉西河人王延事親色養

夏則扇枕席冬則以身溫被隆冬盛寒體常無全衣

而親極滋味養去聲扇平聲○西河縣名延字延元

全完也滋味猶言甘旨○柳玘曰崔山南昆弟子孫之盛鄉族

罕比山南曾祖王母長孫夫人年高無齒祖母唐夫

人事姑孝每旦櫛緹笄拜於階下即升堂乳其姑長

孫夫人不粒食數年而康寧乳去聲○山南名瑗唐

度使故稱山南昆兄也王大也曾祖王母即曾祖

祖母也姓長孫不粒食而康樂安寧由飲乳也一日

八

疾病長幼咸萃，宜言無以報新婦恩，願新婦有子有

孫，皆得如新婦孝敬，則崔之門安得不昌大乎？長上聲

○南齊庾黔婁為虜陵令，到縣未旬，父易

在家，遭疾，黔婁忽心驚，舉身流汗，即日棄官歸家。

人悉驚，其忽至。虜，鉏山，切。易音異。下同。建音垢。○南

易疾始，一日醫云欲知差劇，但嘗糞甜苦，易泄利黔

婁，輒取嘗之，味轉甜滑，心愈憂苦，至夕每稽顙北辰

求以身代。差楚戒切，劇音極，稽音起，頽蘇朗切。○病

苦則病愈也。稽顙叩頭也。北辰，北極也。

○海虞令何子平母喪，去官哀

毀踰禮，每哭踊頓絕。方蘇屬大明末，東土饑荒，繼以

師旅，八年不得營葬，晝夜號哭，常如祖括之日，冬不

衣絮，夏不就清涼，一日以米數合為粥，不進鹽菜，所

居屋敗，不蔽風日，兄子伯興欲為葺理，子平不肯曰：

我情事未申，天地一罪人耳，屋何宜覆？屬音竹，號平

下為並去聲，葺音緝，覆敷救切。○海虞縣，各子平，南

朝會稽人，哀毀踰禮，痛傷過於禮也。頓絕，遽然氣絕

也。蘇猶醒也。屬猶會也。大明八年號，東土即會稽軍法

二千五百人為師，五百人為旅，營，謀為也。祖，露，殯，括

括髮，人子初喪之禮也。葺，修 蔡興宗為會稽太守，甚

加於賞，為營塚壙。下為去聲。○於者，憫 ○朱壽昌生

七歲，父守雍，出其母劉氏，嫁民間，母子不相知者五

十年壽昌行四方求之不已飲食罕御酒肉與人言

輒流涕雍去聲下同○壽昌字康叔宋天長人父為雍州大守御用也熙寧初棄官

入秦與家人訣句誓不見母不復還行次同州得焉

劉氏時年七十餘矣雍守錢明逸以事聞詔壽昌還

就官錄是天下皆知其孝繇由同○熙寧年號秦即雍州之地訣別也次猶至也明逸字子飛聞謂言之于朝法乘官不得復就以尋母故優詔許之壽昌再為郡守

至是以母故通判河中府迎其同母弟妹以歸居數

歲母卒涕泣幾喪明拊其弟妹益篤為買田宅居之

其於宗族尤盡恩意嫁兄弟之孤女二人葬其不能

葬者十餘喪蓋其天性如此幾平聲喪明之喪去聲拊音麻下為去聲○河

中府近同州壽昌嘗為閬廣德二郡守至是以便於養母之故辭郡守而為河中通判拊安慰也推愛母之心而篤於同母弟妹推愛父之心而篤於宗族兄余蓋至孝出於天性而然也伊川先生家治喪不用浮屠在洛亦有一二人家化之浮屠佛氏

也洛水名在河南○霍光出入禁闈二十餘年小心謹慎未

嘗有過為人沈靜詳審每出入下殿門進止有常處

郎僕射竊識視之不失尺寸闈音遠下去聲射音夜識音志○光字子孟漢

平陽人為大將軍禁闈官中小門也深沉安靜不浮躁也精詳審密不羸卒也進止一進一止也郎僕射皆官各不失尺寸○汲黯景帝時為太子洗馬以嚴

猶言一差不差耳

見憚武帝即位召為主爵都尉以數直諫不得久居

位是時太后弟武安侯田蚡為丞相句中二千石拜

謁紛弗為禮黯見紛未嘗拜句揖之黯乙減切洗蘇

音忿相去聲下同○黯字長孺漢濮陽人太子洗馬官各以嚴見憚以正直為景帝所敬憚也主爵都尉亦官各以猶因也中滿也中二千石謂九卿之官歲俸滿二千石也紛負貴而驕人黯獨不為之屈但揖

之而上方招文學儒者上曰吾欲云云黯對曰陛下

內多欲而外施仁義奈何欲效唐虞之治乎上怒變

色而罷朝公卿皆為黯懼上退謂人曰甚矣汲黯之

戇也治為皆去聲朝音潮下同戇音撞○上謂武帝云云猶言如此如此蓋言效唐虞之治也心多

欲如好征伐好神仙之類唐虞唐堯虞舜也羣臣或戇愚也帝不罪黯而容之君人之度偉矣羣臣或

數黯黯曰天子置公卿輔弼之臣寧令從諛承意陷

主於不義乎且已在其位縱愛身奈辱朝廷何數上聲○

數責也輔弼輔德而弼違也從諛承意順從阿諛以奉承上意也已既也黯多病病且滿

三月上常賜告者數終不瘳最後嚴助為請告上曰

汲黯何如人也曰使黯任職居官亡以瘳人然至其

輔少主守成雖自謂賁育弗能奪也上曰然古有社

稷之臣至如汲黯近之矣數音朔瘳音愈亡音無為少皆去聲賁音奔○漢法

病滿三月當免官告休假也瘳通作愈病痊也嚴助人姓名時為侍中瘳當作諭過也孟賁夏育皆古之有力者言黯之正直若托之權輔勿君以保守成業雖自謂有賁育之勇者亦不能奪其人節也然是其言也社稷臣能安社稷者大將軍青侍中上踞廁視之丞相弘宴

見上或時不冠至如見黯不冠不見也上嘗坐武帳

黯前奏事上不冠望見黯避帷中使人可其奏其見

敬禮如此

宴見之見音現○青衛青侍中侍於禁中

也踞躡坐也則林邊側弘公孫弘宴見宴

閑時進見也嘗會也武帳帳中置兵

衛者可猶是也從其奏則稱制曰可○初魏遼東公

翟黑子有寵於大武奉使并州受布千疋事覺黑子

謀於著作郎高允曰主上問我當以實告為當諱之

允曰公帷幄寵臣有罪首實庶或見原不可重為欺

罔也中書侍郎崔鑒公孫質曰若首實罪不可測不

如姑諱之黑子然允曰君奈何誘人就死地入見帝

不以實對帝怒殺之翟音狄使重首為當之為皆去

事而原其始則曰初此則節取其事而失刪也魏元

魏太武魏帝覺發覺也允字伯恭諱隱諱也帷幄寵

臣侍帷幄受寵養之臣也首自陳也宥罪曰原重再

心言已受賄若更隱諱是再造欺罔之罪也崔鑒公

孫質皆中書侍郎帝使允授太子經及崔浩以史事

測度姑且誘引也

被收太子謂允曰入見至尊吾自導卿脫至尊有問

但依吾語崔浩為司徒與允等修國書刻石以彰直

允故太子欲指導太子見帝言高允小心慎密且微

賤制由崔浩請赦其死帝召允問曰國書皆浩所為

乎對曰臣與浩共為之然浩所領事多總裁而已

至於著述臣多於浩帝怒曰允罪甚於浩何以得生

太子懼曰天威嚴重允小臣迷亂失次耳臣尋問皆

云浩所為帝問允信如東宮所言乎對曰臣罪當滅

族不敢虛妄殿下以臣侍講日久哀臣欲丐其生耳

實不問臣臣亦無此言不敢迷亂疑音向巧音益○微賤言其職之卑

制著述也多猶皆也總裁謂總其大綱而裁正之紀事曰著纂言曰述失次謂所對失其次序疑猶音也

東宮太子之宮殿下太子之稱焉乞也帝顧謂太子曰直哉此人情所

難而允能為之臨死不易辭信也為臣不欺君貞也

宜特除其罪以旌之遂赦之直哉贊其直也他日太

子讓允曰吾欲為卿脫死而卿不從何也允曰臣與

崔浩實同史事死生榮辱義無獨殊誠荷殿下再造

之慈違心苟免非臣所願也太子動容稱嘆為荷皆去聲○

議責也殊異也言當與浩同之再造猶言再生動容變貌也允退謂人曰我不奉

東宮指導者恐負翟黑子故也靜修劉氏曰高允告黑子之言忠情之直

亮而作史者遽繼之以廢或見原則所謂首實者乃所以為僥倖之資又以不奉東宮指導為恐負黑子

則允所以為是者非以理義之當然兼以此爾此皆史臣不明義理而於遣辭之際輕為增損使允忠亮

之心不自豈直筆可信之史乎○李君行先生名潛虔州人入京師

至泗州留止其子弟請先往君行問其故曰科場近

欲先至京師貫開封戶籍取應君行不許曰汝虔州

人而貫開封戶籍欲求事君而先欺君可乎寧遲緩

數年不可行也虔音乾○君行字潛名宋人也宋之

舉欺○君矣○崔玄暉母盧氏嘗誡玄暉曰吾見姨兒屯田

郎中辛亥馭曰兒子從宦者有人來云貧乏不能存

此是好消息若聞貨貨充足衣馬輕肥此惡消息吾

此是好消息若聞貨貨充足衣馬輕肥此惡消息吾

嘗以為確論

博陵人仕至宰相姨兄姨之子長於我

者也貧必廉故曰好消息比見親表中仕宦者將錢物

息富必貪故曰惡消息上其父母父母但知喜悅竟不問此物從何而來必

是祿俸餘資誠亦善事如其非理所得此與盜賊何

別縱無大咎獨不內愧於心玄暉遵奉教誠以清謹

見稱

別必列切○此近也親同姓表外姓非理所得如竊官物剝民財皆是答罪也言罪雖幸免心愧矣

劉器之待制初登科與一同年謁張觀參政

三人同起身請教張曰某自守官以來常持四字勤

謹和緩中間一後生應聲曰勤謹和既聞命矣緩之

一字某所未聞張正色作氣曰何嘗教賢緩不及事

且道世間甚事不因忙後錯了

器之名安世宋元城人待制參政皆官名

勤以從政謹以持身和以往人緩以處事未聞猶未喻也賢稱後生也蓋緩非迂緩不及事之謂乃從容

不忙迫之謂耳○伊川先生曰安定之門人往往知稽古愛

民矣則於為政也何有

門人如劉彝錢藻孫覺范純仁錢公輔是也稽古經義齋

之事愛民治事齋之事何有言不難也

○呂榮公自少官守處未嘗干

人舉薦其子舜從守官會稽人或譏其不求知者舜

從對曰勤於職事其他不敢不慎乃所以求知也

少去

聲會音槍○官守以官為守也干求也舜從名疑問

○漢陳孝婦年十六而嫁

未有子其夫當行戍且行時屬孝婦曰我生死未可

知幸有老母無他兄弟備養吾不還汝肯養吾母乎

婦應曰諾

成音庶屬音竹下同養去聲下同○孝夫婦漢時陳州人守邊曰成屬付託也

果死不還婦養姑不衰慈愛愈固紡績織紵以為家

業終無嫁意

慈愛愈固姑慈婦愛愈深固也紡績以指織以機紵以箴居喪三年其父母哀其少無子而蚤寡也將取嫁之孝婦曰

夫去時屬妾以供養老母妾既許諾之夫養人老母

而不能卒許人以諾而不能信將何以立於世欲自

殺其父母懼而不敢嫁也遂使養其姑二十八年姑

八十餘以天年終盡賣其田宅財物以葬之終奉祭

祀

少去聲夫養之夫音扶○卒終也夫死不嫁節也養姑而生事葬祭必盡力孝也淮陽大

守以聞使使者賜黃金四十斤句復之終身無所與

號曰孝婦

使者之使與皆去聲復音福○淮陽即陳陳州謂除其家之役與猶及也○漢

鮑宣妻桓氏字少君宣嘗就少君父學父奇其清苦

故以女妻之裝送資賄甚盛宣不悅謂妻曰少君生

富驕習美飾而吾實貧賤不敢當禮

少妻之之妻並去聲賄音悔○

宣字子都渤海人清謂澹海苦謂憂勤學以清苦而成行以清苦而立士能如此亦奇矣妻曰大

人以先生修德守約故使賤妾侍執巾櫛既奉承君

子惟命是從宣笑曰能如是是吾志也妻乃悉歸侍

御服飾更著短布裳與宣共挽鹿車歸鄉里拜姑禮

畢提甕出汲修行婦道鄉邦稱之

更平聲著音酌挽音晚○大人稱其

父也先生以年君子以德稱其夫也約即清苦之謂歸謂還于父家侍御婢妾也服飾資粧也引車曰挽

鹿車小車可容一鹿者

○曹爽從弟文叔妻譙郡夏侯文寧之

女名令女文叔蚤死服闋自以年少無子恐家必嫁

已乃斷髮為信其後家果欲嫁之令女聞即復以刀

截兩耳居止常依爽及爽被誅曹氏盡死令女叔父

上書與曹氏絕昏彊迎令女歸譙音樵闕音缺斷音短從少皆去聲復扶

又切強上聲○曹爽魏宗室從弟同祖之弟夏侯覆

時文寧為梁相憐其少執義又曹氏無遺類冀其意

阻乃微使人風之令女嘆且泣曰吾亦惟之許之是

也家以為信防之少懈句令女於是竊入寢室以刀

斷鼻蒙被而臥其母呼與語不應發被視之血流滿

床席舉家驚惶往視之莫不酸鼻

相一作州少風並去聲懈音解斷音短

短○無遺類盡死也冀其意阻幸其阻守義之或謂

之曰人生世間如輕塵棲弱草耳何辛苦乃爾且夫

家夷滅已盡守此欲誰為哉令女曰聞仁者不以盛

衰改節義者不以存亡易心曹氏前盛之時尚欲保

終况今衰亡何忍棄之禽獸之行吾豈為乎誰為之為行並

去聲○輕塵棲弱草熊氏曰輕塵易散弱草難依適然棲泊颺即去矣非有纏固也而已曰耳如此日爾夷誅也守此謂守義不仁不義禽獸之行也

○唐鄭義宗妻盧氏略涉書

史事舅姑甚得婦道嘗夜有強盜數十持杖鼓譟踰

垣而入家人悉奔竄唯有姑自在室盧冒白巾往至

姑側為賊捶擊幾死

杖音仗，謀先到，切竄取亂，切，音墨為去聲，捶主盡，切，幾平聲。

○涉，涉水，在書史則泛觀之也。杖，兵器也。鼓，賊去後，課鼓舞呼謀也。奔竄，奔走竄匿也。冒，犯也。

家人問何獨不懼，盧氏曰：人所以異於禽獸者，以其

有仁義也。鄰里有急，尚相赴救，况在於姑而可委棄

乎？若萬一危禍，豈宜獨生？五家為鄰，二十五家為里，危禍謂姑獨生，謂已。

唐奉天竇氏，一女生長草野，幼有志操，永泰中羣盜

數千人剽掠其村落，一女皆有容色，長者年十九，幼

者年十六，匿巖穴間，曳出之，驅迫以前，臨壑谷深數

百尺，其姊先曰：吾寧就死，義不受辱，即投崖下而死。

盜方驚駭，其妹繼之，自投，折足破面流血，羣盜乃捨

之而去

長上聲，剽音票，曳音裔。○奉天縣名，永泰年號，剽掠，攻劫也。村落，村居也。匿，藏也。曳，拖也。

前謂前行捨，謂捨其妹。京兆尹第五琦，嘉其貞烈，奏之，詔旌表

其門閭，永蠲其家丁役。蠲音涓。○京兆郡，尹官。○繆

彤，少孤，兄弟四人，皆同財業，及各取妻，諸婦遂求分

異，又數有關爭之言，彤深懷忿嘆，乃掩戶自搗，曰：繆

彤汝修身謹行，學聖人之法，將以齊整風俗，奈何不

能正其家乎？第及諸婦聞之，悉叩頭謝罪，遂更為敦

睦之行。繆音木，彤音容，少去聲，取音聚，數音朔，搗職

切，而無父，曰孤，搗，打。○蘇瓊，除南清河太守，有百姓

乙普明兄弟爭田積年不斷，各相援據，乃至百人，瓊

召普明兄弟諭之曰天下難得者兄弟易求者田地假令得田地失兄弟心如何因而下淚諸證人莫不灑泣普明兄弟叩頭乞外更思分異十年遂還同住

斷都玩切易音異令更並平聲○瓊字珍之北朝人南清河郡乙姓普明各斷決也援據攀援他人為證據也諭曉也如何問之以發動其良心也太守下淚而諸證人灑泣普明兄弟悔過可以見人心之天矣

○王祥第覽母朱氏遇祥無道覽年數歲見祥被楚撻輒涕泣抱持至于成童每諫其母其母少止凶虐朱屢以非理使祥覽與祥俱又虐使祥妻覽妻亦趨而共之朱患之乃止

屢音慮○覽字玄通遇待也楚痛也成童十五歲也俱謂

以牛馬負妻子而逃又遇賊掠其牛馬步走擔其兒

及其弟子綏度不能兩全乃謂其妻曰吾弟蚤亡唯

有一息理不可絕止應自棄我兒耳幸而得存我後

當有子妻泣而從之乃棄其子而去之卒以無嗣

綏度音鐸應平聲○右僕射官名倏字伯道平陽人永嘉年號沒陷沒石勒字世龍匈奴人息子息弟子

弟之子綏其名也時人義而哀之為之語曰天道無知使鄧

伯道無兒弟子綏服倏喪三年

為去聲○義者義其能存姪也服喪三年

如喪也○晉咸寧中大疫庾袞二兄俱亡次兄毗復危

殆瀘氣方熾父母諸弟皆出次于外袞獨留不去諸父兄強之乃曰袞性不畏病遂親自扶持晝夜不眠

句其間復撫柩哀臨不輟如此十有餘日疫勢既歇家人乃反昆病得差家亦無恙

疫音役毗音皮復抹又切瀉音利熾昌志切強上聲間音澗臨去聲輟音拙有音又差楚戒切恙音樣○咸寧年號疫癘皆瘟疾衮字叔褒毗次兄各危殆謂病甚也熾盛次舍也間空隙也臨哭輟止差愈恙病也父老咸曰異哉此

子守人所不能守行人所不能行歲寒然後知松栢之後凋始知疫癘之不能相染也

父老鄉之高年者異哉稱其所守所行異於人也後凋謂後於衆木之凋○楊播家世純厚竝敦義讓昆季相事有如父子椿津恭謙兄弟且則聚於廳堂終日

相對未嘗人內有一美味不集不食廳堂間往往幃幔隔障為寢息之所時就休偃還共談笑

慢莫半切○播字延慶北朝人昆季兄弟也椿字延壽津字羅漢休亦息也偃猶臥也椿年老曾他處醉歸津扶持還室假寢閣前承侯安否

寢本傳作寐○假寢不脫衣冠而寢也閣謂室之門椿津年過六十竝登台鼎而津常且莫叅問子姪羅列階下椿不命坐津不敢坐

莫音暮○台鼎三三公之稱如星之有三台鼎之有二足也椿為司徒津為司空故曰竝登台鼎椿每近出或日斜不至津不先飯椿還然後共食食則津親授匙箸味

皆先嘗椿命食然後食津為肆州椿在京宅每有四時嘉味輒因使次附之若或未寄不先入口一家之

內男女百口總服同饗庭無間言

飯上聲匙音時箸音仕饗取亂以使間並去聲○京宅宅在京也嘉味美味也未寄于兄則不先食總麻之服同炊饗四世不分異也間言異

也○隋吏部尚書牛弘弟弼好酒而酗嘗醉射殺弘
 駕車牛弘還宅其妻迎謂弘曰叔射殺牛弘聞無所
 恠問直答曰作脯坐定其妻又曰叔射殺牛大是異
 事弘曰已知顏色自若讀書不輟好去聲 酬許御切 脯音府 輟音拙○
 弘字里仁安定人第名弼酒狂也直猶但也輟止也○唐英公李勣貴為僕
 射其姊病必親為燃火煮粥火焚其髮姊曰僕妾多
 矣何為自苦如此勣曰豈為無人耶顧今姊年老勣
 亦老雖欲數為姊煮粥復可得乎勣音迹 射音夜 數音朔 為復並去聲
 ○勣字懋功封英公僕射音夜 數音朔 為復並去聲○司馬溫公與其兄伯康友
 愛尤篤伯康年將八十公奉之如嚴父保之如嬰兒

每食少頃則問曰得無饑乎天少冷則拊其背曰衣
 得無薄乎拊音府○伯康名且吳氏曰奉之如嚴父
 敬之至也保之如嬰兒愛之至也老人腸
 胃弱易飽易饑氣體虛易寒易熱故公撫問之勤如此○近世故家惟晁氏因
 以道申戒子弟皆有法度羣居相呼外姓尊長必曰
 某姓第幾叔若兄諸姑尊姑之夫必曰某姓姑夫某
 姓尊姑夫未嘗敢呼字也其言父黨交游必曰某姓
 幾丈亦未嘗敢呼字也當時故家舊族皆不能若是
 晁音潮長上聲○故家舊家惟獨也以道名說之澶
 淵人若及也尊者曰某姓第幾叔長者曰某姓第幾
 兄姑父之姊妹也尊姑祖之姊妹也父黨交游父
 之友也稱姓稱行稱位而不呼字皆謙厚之道○
 包孝肅公尹京時民有自言以白金百兩寄我者死

矣予其子不肯受願召其子予之尹召其子辭曰亡父未嘗以白金委人也兩人相讓久之予音與○公名極字希仁

孝肅謚也宋廬州人尹京時京尹之時呂榮公聞之曰世人喜言無好人二字者可謂自賊者矣古人言人皆可以為堯舜

蓋觀於此而知之賊害也古人謂子孟子人無有不善故皆可以為堯舜蓋疑辭此指讓

金而言猶言此等事也○萬石君石奮歸老于家過宮門闕必

下車趨見路馬必軾焉子孫為小吏來歸謁萬石君必朝服見之不名子孫有過失不誚讓為便坐對案

不食然後諸子相責因長老肉袒固謝罪改之乃許

朝音潮誚在笑切下為去聲長上聲下同袒音但下同○漢石奮與四子皆官至二千石故號萬石君歸

老老而歸也路馬說見稽古誚讓謂以言責之坐於便室設食於案對之而不食自責也長老族之高年者肉袒祖袒衣露肉也固再三也許謂許其改過而已復坐復食也子孫勝冠者在側

雖燕必冠申申如也僮僕訢訢如也唯謹勝音升側音則訢音

銀○勝冠謂年及冠者燕謂燕居申申和順也訢訢和悅也和則易肆故加謹上時賜食於

家必稽首俯伏而食如在上前其執喪哀戚甚子孫遵教亦如之稽音啓○稽首即叩首稽首俯伏而後起食敬也萬石君家以

孝謹聞乎郡國雖齊魯諸儒質行皆自以為不及也

行去聲○孝謹即下官門闕等事齊魯一國各質猶謹也長子建為郎中舍少子

慶為內史少去聲○郎中舍內史皆官名建老白首萬石君尚無恙

每五日洗沐歸謁親入子舍竊問侍者取親中裙廁

踰身自浣滌復與侍者不敢令萬石君知之以為常

恙音樣，裙音裙，踰音投，浣音緩，滌音狄。恙病也。漢法在官五日，則休服一日，以洗身沐首。子舍小房親謂萬石君中，君中衣廁，踰穢器不使親知者，共為子職，而又欲親心安也。內史慶醉歸入

外門不下車，萬石君聞之不食，慶恐肉袒謝罪不許

舉宗及兄建肉袒，萬石君讓曰：內史貴人，入閭里里

中，長老皆走匿，而內史坐車中，自如。固當乃謝，罷慶

慶及諸子入里門趨至家。外門巷門，舉宗猶言闔族讓責也。固當者，反辭以責之也。謝，罷慶者，許不過慶而復食也。里門，即巷門。言自是以後入巷門，則疾趨而歸，不但下車矣。

疏廣為太子太傅，上疏乞骸骨，加賜黃金二十斤，太

子贈五十斤，歸鄉里。日令家供具，設酒食，請族人故

舊賓客相與娛樂。數問其家，金餘尚有幾斤，趨賣以

共具。疏音疎，骸音諧，令平聲，樂音洛，下同。數音朔，趨音促，共音供，下同。廣字仲翁，漢蘭陵人，大傅官各上疏乞骸骨，猶今之告老也。娛，歡也。趣與促同，共與供同，言促賣餘金以供酒食之具也。居歲

餘，廣子孫竊謂其昆弟老人，廣所信愛者曰：子孫冀

及君時，頗立產業，基地今日飲食費且盡，宜從丈人

所勸說，君置田宅，老人即以閒暇時為廣言此計。說稅為去聲。冀欲也。君指廣丈人，即廣所愛信之高年兄弟也。所處也。說誘也。廣曰：吾豈老

悖不念子孫哉！願自有舊田廬，令子孫勤力，其中足

以共衣食，與凡人齊，今復增益之，以為贏餘，但教子

孫怠惰耳。悖音佩，令平聲，復扶又切。老悖，年老而乖悖也。贏亦餘也。衣食有餘，則子孫倚之。

而怠賢而多財則損其志愚而多財則益其過且夫
富者衆之怨也吾既無以教化子孫不欲益其過而
生怨又此金者聖主所以惠養老臣也故樂與鄉黨
宗族共享其賜以盡吾餘日不亦可乎

夫音扶樂音洛共如字

益增也

○龐公未嘗入城府夫妻相敬如賓劉表候之

龐公釋耕於壟上而妻子耘於前表指而問曰先生

苦居畝畝而不肯官祿後世何以遺子孫乎龐公曰

世人皆遺之以危今獨遺之以安雖所遺不同未為

無所遺也表嘆息而去

遺音位○龐公字德公漢襄陽人劉表冀宗室侯猶訪也

釋猶罷也壟田間高處也畝田間水道也遺猶與也富貴者易危勤勞者常安理勢然也

○陶淵

明為彭澤令不以家累自隨送行力給其子書曰汝

且夕之費自給為難今遣此力助汝薪水之勞此亦

人子也可善遇之

累去聲○淵明字元亮晉潯陽人彭澤縣令家累妻子也僕也給

與也贈也遇待也

○崔孝芬兄弟孝義慈厚弟孝暉等奉孝

芬盡恭順之禮坐食進退孝芬不命則不敢也雞鳴

而起且溫顏色一錢尺帛不入私房吉凶有須聚對

分給諸婦亦相親愛有無共之

暉音偉○孝芬北朝博陵人

叔振既亡後孝芬等承奉叔母李氏若事所生且夕

溫清出入啓覲家事巨細一以咨決每兄弟出行有

獲則尺寸以上皆入李之庫四時分賚李氏自裁之

如此二十餘歲

清七正，坳上上聲，資洛代坳。○孝芬之叔名，振溫，謂冬溫，清謂夏清，落謂

出必告，覲謂及必面獲得也，齊與也。

○王凝常居慄如也，子弟非公服

不見，閨門之內若朝廷焉。

慄音栗，朝音潮。○凝字叔，陸文中子之弟，慄嚴謹貌。

御家以四教，勤儉恭恕，正家以四禮，冠婚喪祭。

冠去聲。

御治也，勤以事，事儉以制，用恭以處已，恕以待人。四禮說見嘉言。

聖人之書及公服

禮器不假，垣屋什物必堅朴，曰無苟費也。門巷果木

必方列，曰無苟亂也。

假借也，不假阮氏曰，皆自足也。營築垣屋造設什物必渾堅朴。

素經畫門巷，種植果木，不必方整成列。蓋其為人不苟，故每事亦不苟如此。

○張公藝九世

同居，北齊隋唐皆旌表其門，麟德中高宗封泰山，幸

其宅，召見公藝，問其所以能睦族之道，公藝請紙筆

以對，乃書忍字百餘，以進，其意以為宗族所以不協

由尊長衣食或有不均，卑幼禮節或有不備，更相責

望，遂為乖爭，苟能相與忍之，則家道雍睦矣。

長上聲，更平聲。

○公藝，唐東平人，北齊北朝高齊也，麟德，唐高宗年號，封，謂封土為壇，以祭也，泰山，山名，天子所至，曰幸。

忍，耐也，協，和也，卑幼，責望尊長之不均，尊長責望卑幼之不一，備是更相責望也，乖，戾也，雍，和也。

○韓文公作董生行，曰：淮水出桐柏山東，馳遙遙千里，不

能休，淝水出其側，不能千里，百里入淮流，壽州屬縣

有安豐，唐貞元年時，縣人董生召南隱居，行義於其

中，刺史不能薦，天子不聞名聲，爵祿不及門，門外惟

有吏日來徵租，更索錢。

行如字，淝音肥，召音邵，索音色。○公名愈，字退之，謚文，唐

昌黎人董生名召南行歌類桐栢山在唐縣肥水在合肥縣安豐縣各貞元年號董生隱居行義於淮肥之間時之人不能與儔韓子為作此詩蓋賦而興也

嗟哉董生朝出耕夜歸讀

古人書盡日不得息或山而樵或水而漁入厨具甘

旨上堂問起居父母不感感妻子不咨咨吳氏曰感不憂妻子樂其慈故不怨嗟哉董生孝且慈人不

識惟有天翁知生祥下瑞無休期家有狗乳出求食

鷄來哺其兒啄啄庭中拾蟲蟻哺之不食鳴聲悲徬

徨躑躅久不去以翼來覆待狗歸乳去聲哺音步徬音旁徬音皇躑音

躑躅音逐覆敷救切○天翁猶言老天乳生子也躑躅跳貌吳氏曰董生孝慈之行獨天知之故祥瑞見於異類

嗟哉董生誰將與儔時之人夫妻相虐兄弟

為讎食君之祿而令父母愁亦獨何心嗟哉董生無

與儔儔音紬令平聲○儔足也朱子曰上句誰將與儔疑而問之之辭也下句無與儔答而失之之辭也

○唐河東節度使柳公綽在公卿間最名有家法

綽尺約切○河東道各節度使官各公綽字子寬中門東有小齋自非朝謁

之日每平旦輒出至小齋諸子仲郢皆束帶晨省於

中門之北公綽夫私事接賓客與第公權及羣從第

再會食自旦至莫不離小齋燭至則命一人子弟執

經史躬讀一過訖乃講議居官治家之法或論文或

聽琴至人定鍾然後歸寢諸子復昏定於中門之北

凡二十餘年未嘗一日變易朝音潮郢音穎從離並去聲莫音暮○仲郢節

度之子字諭蒙公權節度之餘字誠懸其遇饑歲則諸子皆蔬食曰昔

吾兄弟侍先君為丹州刺史以學業未成不聽食肉

吾不敢忘也上食音似○曰節度言也姑姊妹姪有

孤嫠者雖疎遠必為擇壻嫁之皆用刻木粧奩纈文

絹為資裝常言必待資裝豐備何如嫁不失時發音離為

擇之為去聲奩音廉纈胡結切○姪謂兄弟之女孤

及公綽卒仲郢一遵其法事公權如事公綽非甚病

見公權未嘗不束帶為京兆尹鹽鐵使出遇公權於

通衢必下馬端笏立候公權過乃上馬公權莫歸必

束帶迎候於馬首公權屢以為言仲郢終不以官達

有小改莫音暮○其指節度也公綽妻韓氏相國休

之曾孫家法嚴肅儉約為摺紳家楷範歸柳氏二年

無少長未嘗見其啓齒常衣絹素不用綾羅錦繡每

歸覲不乘金碧輿祇乘竹堉子二青衣步履以隨常

命粉苦參黃連熊膽和為丸賜諸子每永夜習學含

之以資勤苦楷口駁切少相衣和並去聲長上聲祇音止堉當侯切履音洗○相國宰相之

稱休其名也摺紳摺笏垂紳也楷範猶言法式婦人

謂嫁曰歸啓齒笑也歸覲歸寧父母也竹堉子竹轎

也二青衣一僮使也履徐行貌○江州陳氏宗族七

百口每食設廣席長幼以次坐而共食之有畜犬百

餘共一牢食一犬不至諸犬為之不食長上聲畜許六切為去聲

○陳氏名褒南唐人十世同居犬知愛其類和順之所感也

○温公曰國朝公卿

能守先法久而不衰者唯故李相家子孫數世至二

百餘口猶同居共爨田園邸舍所收及有官者俸祿

皆聚之一庫計口日給餉婚姻喪葬所費皆有常數

分命子弟掌其事其規模大抵出於翰林學士宗諤

所制也朝音潮朝去聲邸音底○國朝温公自謂本朝也李相名昉字明遠滁州人為宰相故稱

李相邸舍客店也宗諤李相之子字昌武

右實明倫

凡四十五章李氏曰首十章實父子之親次八章實君臣之義次五章實

夫婦之別次十章實長幼之序次一章實朋友之交後十一章通實五倫之義或問此篇以少

朋友章朱子曰當時是衆編類來偶缺此耳

或問第五倫曰公有私乎對曰昔人有與吾千里馬

者吾雖不受每三公有所選舉心不能忘而亦終不

用也吾兄子嘗病一夜十往退而安寢吾子有疾雖

不省視而竟夕不眠若是者豈可謂無私乎第五姓倫名字

伯魚漢京兆人為司空以公正稱周以太師太傅太保為三公東漢以太尉司徒司空為三公竟終也朱子曰不薦自是奸然於心終不忘便是契他取舉意思不過這便是私意又曰如十起與不起便是私這便是避嫌只是他見得這意思已

是大段做工夫大段會省察了 ○劉寬雖居倉卒

未嘗疾言遽色夫人欲試寬令恚伺當朝會裝嚴已

訖使侍婢奉肉羹翻污朝衣婢遽收之寬神色不異

乃徐言曰羹爛汝手乎其性度如此倉上聲卒蒼沒切遽音句令平

聲，惠音惠，何音以，朝音潮，奉音捧，污去聲。○寬，字。○文饒，漢弘農人，惠，怒也，裝嚴，謂莊著嚴整，異，變也。

張湛矜嚴好禮，動止有則，居處幽室，必自脩整。雖遇

妻子若嚴君焉。及在鄉黨，詳言正色，三輔以為儀表。

好處並去聲。○湛，字子孝，漢平陵人，矜嚴，矜莊而嚴，厲也。嚴君，尊嚴之君，長也。漢以京兆尹左馮翊右扶

風為三輔，共治長安。城中儀表，猶言法式。建武初，為左馮翊，告歸平陵，望

寺門而步。主簿進曰：「明府位尊德重，不宜自輕。」湛曰：

「禮下公門，軼路馬。孔子於鄉黨，恂恂如也。父母之國，

所宜盡禮，何謂輕哉？」馮音平，翊音亦。○建武，年號。主簿，馮翊屬吏也。恂

恂，信實之貌。○楊震所舉荆州茂才王密，為昌邑令，謁見

懷金十斤，以遺震。震曰：「故人知君，君不知故人，何也？」

密曰：「莫夜無知者。」震曰：「天知，神知，我知，子知，何謂無

知？密愧而去。」遺音位，莫音暮。○震，字伯起，漢弘農人，嘗為荆州刺史，故人震自謂君，謂密，熊

氏曰：明不欺天，幽不欺神，內不欺心，外不欺人。○茅容與等輩避兩樹下，眾

皆夷踞，相對容獨危坐。愈恭，郭林宗行見之，而奇其

異，遂與共言，因請寓宿。且日容殺雞為饌，林宗謂為

已設，既而供其母，自以草蔬，與客同飯。林宗起拜之，

曰：「卿賢乎哉！」因勸令學，卒以成德。」夷，本作踞，踞音據，下為去聲，令平聲。

○容，字季偉，漢陳留人，夷踞，躡坐也。危坐，以尾著躡而坐也。林宗，名泰，太原人，異，謂異於衆。○陶

侃為廣州刺史，在州無事，輒朝運百甓於齋外，莫運

於齋內，人問其故，答曰：「吾方致力中原，過爾優逸，恐

不堪事其勵志勤力皆此類也

斃音關莫音暮○佩字士行晉鄱陽人仕

至大尉蘇覺碑也時中原陷沒侃欲致力興復故朝夕運甓以習勞也

後為荊州刺史侃

性聰敏勤於吏職恭而近禮愛好人倫終日斂膝危

坐閫外多事千緒萬端罔有遺漏遠近書疏莫不手

答筆翰如流未嘗壅滯引接疏遠門無停客

好去聲聞苦本

坳疏去聲○愛好人倫尚名教也閫外謂邦域之外晉處江左以荆楚為國之西門故曰閫外常語

人曰大禹聖人乃惜寸陰至於眾人當惜分陰豈可

逸遊荒醉生無益於時死無聞於後是自棄也

語去聲○

陰光諸叅佐或以譚戲廢事者乃命取其酒器蒲博

之具悉投之于江吏將則加鞭朴曰擣蒲者牧猪奴

戲耳老莊浮華非先王之法言不可行也君子當正

其衣冠攝其威儀何有亂頭養望自謂弘達耶

蒲音擣

音擣○蒲擣蒲博局戲雙陸之類浮華謂老聃莊周之言虛而無實也擣檢束也養望通鑑作跣足逸遊

荒醉談戲廢事蓬頭跣足皆老莊尚玄虛棄禮法之流繁吳氏曰養望養其虛望也

○王勃揚

炯盧照鄰駱賓王皆有文名謂之四傑裴行儉曰士

之致遠先器識而後文藝勃等雖有文才而浮躁淺

露豈享爵祿之器耶楊子沈靜應得令長餘得令終

為幸其後勃溺南海照鄰投潁水賓王被誅炯終盈

川令皆如行儉之言

躁音竈長上聲令終之令去聲溺音匿○行儉字守約唐絳州

人器器句識識見浮躁不沉靜也淺露不深潛也令長令尹令終善終盈川縣名

○孔戡於

為義若嗜慾不顧前後於利與祿則畏避退怯如懦

夫然戡音堪懦音糯○戡字君勝孔子三十八世孫懦柔弱也言其勇於為義而怯於趨利祿如此

○柳公綽居外藩其子每入境郡邑未嘗知既至每

出入常於戟門外下馬呼幕賓為丈皆許納拜未嘗

笑語教洽外藩謂節度使取屏蔽之義也○柳仲郢

以禮律身居家無事亦端坐拱手出內齋未嘗不束

帶二為大鎮廐無良馬衣不熏香公退必讀書手不

釋卷廐音救仲郢當為山南劍南天平三道節度使故曰二為大鎮公退自公而退也釋捨也端

坐拱手束帶敬也廐無良馬衣不熏香儉也讀書不釋卷勤也

家法句在官不奏祥瑞不度僧道不貸賊吏法凡理藩府急於濟貧卹孤

有水旱必先期假貸廩軍食必精豐逋租必貰免館

傳必增飾宴賓犒軍必華盛而交代之際食儲帑藏

必盈溢於始至境內有孤貧衣纓家女及笄者皆為

選婿出俸金為資裝嫁之貸音泰逋奔謨切貫音世傳朱戀切犒口到切帑音

倚藏上為竝去聲溢音逸○在官以下皆柳氏之家

法貸寬也假貸謂以錢穀借之廩倉廩軍食軍餉逋

欠也費除也館客舍傳馬驛犒勞也儲蓄也帑藏皆

庫各所以貯金帛者衣纓猶簪纓及笄年十五者熊

氏曰不奏祥瑞為謂上也吳氏曰食儲帑藏○柳玘

曰王相國涯方居相位掌利權竇氏女歸請曰玉工

貨一釵奇巧須七十萬錢王曰七十萬錢我一月俸

金耳豈於女惜但一釵七十萬此妖物也必與禍相

小學名詞卷六 二十九 有文閣藏

隨女子不復敢言相國相位之相去聲於女之女音

權謂其兼度支盪鐵推茶等使也寶氏女淫女嫁寶氏者婦謂婦寧熊氏曰淫實斬齋托辭拒之然妖物

必與禍隨則名言也蓋妖巧之物人所貪競固有招禍之道也數月女自婚姻會歸

告王曰前時釵為馮外郎妻首飾矣乃馮球也王嘆

曰馮為郎吏妻之首飾有七十萬錢其可久乎球音

婚姻會因婚馮為賈相餽門人家密賈有蒼頭頗張

威福馮召而勗之未浹旬馮晨謁賈有二青衣捧地

黃酒出飲之食頃而終賈為出涕竟不知其由餽音

音旭浹音接飲為並去聲○賈餽亦宰相密親密也

奴僕以蒼為巾故曰蒼頭勗勉也浹周也十日為旬

二青衣一僮使也地黃藥各無毒蓋他酒詭稱耳食

頃一飯之頃也球以奴張威福恐為王累故戒之奴

恐球告王又明年王賈皆遭禍遭音乖○遇也淫

故毒殺之妖信知言矣徒知物之

妖而不知恩權隆赫之妖甚於物耶馮以卑位貪寶

貨已不能正其家盡忠所事而不能保其身斯亦不

足言矣賈之臧獲害門客于牆廡之間而不知欲終

始富貴其可得乎廡音武○恩權之隆赫禍機所伏

非此則謂知理之言也盡忠所事謂盡心於餽也奴

日臧婢日獲指蒼頭門客指馮球廡堂下周屋也

此雖一事作戒數端熊氏曰珍玩奇貨不可貪一戒

愛而不能正家三戒也失言而不能保身四

戒也嬖臧獲張威福害門客而不知五戒也○王文

正公發解南省廷試皆為首冠或戲之曰狀元試三

場一生喫著不盡公正色曰曾平生之志不在温飽

解冠並去聲著音酌○公名曾字孝先宋青州人仕至宰相謚文正狀元指公試三場言鄉試省試廷試皆第一也志不在温飽則在安天下矣

○范文正公少有大節其於富

貴貧賤毀譽歡戚不一動其心而慨然有志於天下

嘗自誦曰士當先天下之憂而憂後天下之樂而樂

也少去聲譽音于樂音洛○不一動其心謂富貴不慕貧賤不厭毀之不怒譽之不喜得而不歡失而不戚也天下未憂而先憂天下已樂而後樂仁人之心如此

其事上遇人一以自

信不擇利害為趨捨其有所為必盡其方曰為之自

我者當如是其成與否有不在我者雖聖賢不能必

吾豈苟哉自信字其正也如是盡其方也事上待人一以自信而不趨利不避害有所為必盡

其方而成敗不苟焉容心於其間有行法俟命意○司馬温公嘗言吾無過

人者但平生所為未嘗有不可對人言者耳誠而已○

管寧嘗坐木樹積五十餘年未嘗箕股其榻上當

膝處皆穿股音古○寧字幼安漢高士古人之危坐如跪箕股謂兩展其股狀如箕也○呂

正獻公自少講學即以治心養性為本寡嗜慾薄滋

味無疾言遽色無窘步無階容凡嬉笑俚近之語未

嘗出諸口於世利紛華聲伎游宴以至於博奕奇玩

淡然無所好少去聲窘巨隕坳俚音里伎音忌好去聲○治心收其放心也養性養其德性也自寡嗜慾以下皆治心以養性之事窘迫促也俚鄙俗也伎巧戲也○明道先生終

日端坐如泥塑人及至接人則渾是一團和氣塑音素○

終日端坐如泥塑人敬也 ○明道先生作字時甚敬嘗謂人曰非

欲字好即此是學 朱子曰此亦可以收放心 ○劉忠定公見温公

問盡心行已之要可以終身行之者公曰其誠乎劉

公問行之何先公曰自不妄語始 忠定元城先生謚也朱子曰温公所

謂誠即大學所謂誠其意者指人之實其心而不自欺也 劉公初甚易之及退而

自隱括日之所行與凡所言自相掣肘矛盾者多矣

力行七年而後成自此言行一致表裏相應遇事坦

然常有餘裕 易音異隱音隱掣昌列切用音帚矛音

為易也操曲者曰隱正方者曰括皆制木之器也自相掣肘矛盾喻言行相違也吳氏曰掣挽也肘臂節也掣肘謂肘欲動運而人挽之不能運也亦有鈞之

兵盾即今傍脚也矛盾謂矛欲傷人而盾蔽之不能

也 ○劉公見賓客譚論踰時體無欹側肩背竦直身

不少動至手足亦不移 敬音欺竦音聳 ○徐積仲車

初從安定胡先生學潛心力行不復仕進其學以至

誠為本事母至孝自言初見安定先生退頭容少偏

安定忽厲聲云頭容直某因自思不獨頭容直心亦

要直也自此不敢有邪心卒謚節孝先生 仲車父早卒盡孝於

母朱子曰這樣人都足資質美所以一撥便轉終身不為惡也 ○文中子之服儉以

絮無長物焉綺羅錦繡不入于室曰君子非黃白不御

婦人則有青碧 絮潔同長音丈 ○儉謂不華靡絮謂不垢汚長刺也無長物謂儉絮之外

無所增飾也黃白麻絲自然之色青碧染造使然之色 ○柳玘曰高侍郎兄弟

三人俱居清列非速客不一羹蔽夕食蔬藟藟而已

截音志 齋音核 藟音庵 高氏兄弟第唐人長 錢翰林 學士次 銖給事中 次 錯禮部侍郎 速召也不 不兼

設也 羹肉羹蔽肉膏 藟 猶藟也 藟皆菜名 ○李文靖公治居第於封丘

門外廳事前僅容旋馬或言其太隘公笑曰居第當

傳子孫此為宰輔廳事誠隘為太祝奉禮廳事則已

寬矣 公名沆字太初位宰相謚文靖宋洛州人第第宅封丘宋都門名廳所以治事故曰廳事旋回

轉也 隘窄狹也 大祝奉禮皆世蔭之官已太也 ○張文節公為相自奉如河

陽掌書記時所親或規之曰今公受俸不少而自奉

若此雖自信清約外人頗有公孫布被之譏公宜少

從象公嘆曰吾今日之俸雖舉家錦衣玉食何患不

能顧人之常情由儉入奢易由奢入儉難吾今日之

俸豈能常有身豈能常存一旦異於今日家人習奢

已久不能頓儉必至失所豈若吾居位去位身存身

亡如一日乎 相去聲 易音異 ○公名知自字用晦宋滄州人初為河陽掌書記後為宰相謚文節

漢丞相公孫弘為布被汲黯曰弘俸祿多而為布被此詐也或人見文節之儉約亦疑其詐故引是以譏

遠也 ○溫公曰先公為郡牧判官客至未嘗不置酒

或三行或五行不過七行酒沽於市果止梨栗棗柿

肴止於脯醢菜羹器用菴漆當時士大夫皆然人不

相非也會數而禮勤物薄而情厚 菴音慈 數音朔 溫公文名也字和

中行猶 近日士大夫家酒非內法果非遠方珍異食

巡也

非多品器皿非滿案不敢會賓友常數日營聚然後敢發書苟或不然人爭非之以為鄙吝故不隨俗奢

靡者鮮矣案亦作按○內法謂宮內造酒之書嗟乎風

俗頽弊如是居位者雖不能禁忍助之乎居位謂居相位時公

巴作相矣○温公曰吾家本寒族世以清白相承吾性不

喜華靡自為乳兒時長者加以金銀華美之服輒羞

赧棄去之年二十忝科名聞喜宴獨不戴花同年曰

君賜不可違也乃簪一花平生衣取蔽寒食取充腹

亦不敢服垢弊以矯俗干名但順吾性而已蔽乃板

皎○泰叨也聞喜進士宴各垢汚弊壞矯拂下求也○汪信民嘗言人常咬得

菜根則百事可做胡康侯聞之擊節嘆賞信民名革

康侯文定公字也人能甘澹泊而不以外物動心則可以有為矣擊節一說擊手指節一說擊器物為節皆通嘆嗟嘆賞稱賞朱子曰學者須常以志士不忘在溝壑為念則道義重而計較死生之心輕矣况衣食外物至微末事不得未必便死亦何用犯義犯分役心役志營營以求之耶某觀今人因不能咬菜根而至於失其本心者衆矣可不戒哉

右實敬身凡二十八章李氏曰首十四章實心

實衣服之制末六章實飲食之節

小學卷之六終

有文閣藏版

寬政七年乙卯孟夏穀旦

安政三乙卯年孟春再刻

柳原喜兵衛合

浪速書林

前川源七郎梓

發行

江戸日本橋南壹丁目

須原屋茂兵衛

同 淺草茅町二丁目

同 伊八

同 日本橋通二丁目

山城屋佐兵衛

同 芝神明前

岡田屋嘉七

同 横山町三丁目

和泉屋金右衛門

同 下谷池之端仲町

岡村庄助

同 芝神明前

和泉屋吉兵衛

同 本石町十軒店

英屋大助

京都三條通御幸町角

吉野屋仁兵衛

尾州名古屋本町通

永樂屋東四郎

同 同所

菱屋藤兵衛

大阪心齋橋通北久太郎町

河内屋喜兵衛

